

SAS ISPERAS

Ispuntend'est su sole,
cun attaccad'a sas coas
remiarzos de isperas.
In su muntone...
sas mias.

E mi faghen s'ojittu,
mazzoninas!
Imbolighendemi su coro
de pabilu indeoradu.

Tramperas,
fraigadoras de sonnios iscabados;
una rezzada,
chena lu cherrer,
sun fattende a sos sentidos,
pro non nd'ischidare sos disizos,
dormidos abbrazzados
a su ch'est beru.

Beridade chi tentat de fuire,
che fera assustada,
prima chi, s'interighinada,
pustis haer giampadu montes,
si ch' ettet a tuffidu in su mare
seghende s'imboligu 'e pabilu...
cun foscighes de amargura.

LE SPERANZE

Sta sorgendo il sole, / con attaccato alle vesti / mucchi di speranze. / Nel mucchio... / le mie.

E mi strizzano l'occhio, / malandrine! / involgendom'il cuore / di carta dorata.

Ingannevoli, / fabbricanti di sogni sciocchi. / Una retata, / senza volerlo, / stan facendo ai sentimenti, / pur di non svegliare i desideri / addormentati abbracciati / a ciò ch'è vero. / Verità, che tenta di scappare, / come fiera spaventata, / prima che il tramonto, / dopo aver varcato i monti, / giunga al mare, / tuffandosi in esso, / rompendo l'involucro di carta... / con forbici d'amarezza.